

新刊經進詳註昌黎先生文集

新刊經進詳註昌黎先生外集卷第七

順宗實錄第二

起二月  
盡三月

二月甲子上御丹鳳門大赦天下自貞元二十  
一年二月二十四日昧爽已前大辟已下罪無  
輕重常赦所不原者咸赦原之諸色人中有才  
行兼茂明於理體者經術精深可爲師法者達  
於吏理可使從政者宜委常參官各舉所知其  
在外者長吏精加訪擇具名聞奏仍優禮發遣  
舊事宮中有要市外間物令官吏主之與人爲市

隨給其直身元末以宦者爲使抑買人物稍不  
如本估末年不復行文書置白望數百人於兩  
市并要開坊閱人所賣物但稱宮市即歛手付  
與真僞不復可辨無敢問所從來其論價之高  
下者率用百錢物買人直數千錢物仍索進奉  
門戶并腳價錢將物詣市至有空手而歸者名  
爲宮市而實奪之嘗有農夫以驢負柴至城賣  
遇宦者稱宮市取之纔與絹數尺又就索門戶  
仍邀以驢送至內農夫涕泣以所得絹付之不  
肯受曰須汝驢送柴至內農夫曰我有父母妻

子待

一作得

此然後食今以柴與汝不取直而歸

汝尚不肯我有

一作必

死而已遂毆宦者街吏擒

以聞詔黜此宦者而賜農夫絹十匹然宮市亦  
不爲之改易諫官御史數奏疏諫不聽上初登  
位禁之至大赦又明禁又身元中要乳母皆令  
選寺觀婢以充之而給與其直例多不中選寺  
觀次當出者賣產業割與地買之貴有姿貌者  
以進其徒苦之至是亦禁焉身元末五坊小兒  
張捕鳥雀於閭里皆爲暴橫以取錢物至有張  
羅網於門不許人出入者或有張井上者使不

得汲水近之輒曰汝驚供奉鳥雀痛毆之出錢  
物求謝乃去或相聚飲食於肆醉飽而去賣者  
或不知就索其直多被毆罵或時留蛇一囊爲  
質曰此蛇所以致鳥雀而捕之者今留付汝幸  
善飼之勿令飢渴賣者媿謝求哀乃攜而去上  
在春宮時則知其弊常欲奏禁之至即位遂推  
而行之人情大悅乙丑停鹽鐵使進獻舊鹽鐵  
錢物物一無字悉入正庫一助經費其後主此務者  
稍以時市珍玩時新物充進獻以求恩澤其後  
益甚歲進錢物謂之羨餘唐史食貨志朱泚既  
平於是帝屬意聚斂

常進進江之西觀察使李兼有月進淮南節度使韋皋有  
亞宣欽觀察使劉贊鎮海軍節度使王緯而經  
李鎬皆微射恩澤以常賦入貢名曰羨餘  
入益少至貞元末逐月有獻焉謂之月進至是  
乃罷上一字命左金吾將軍兼中丞田景度持節  
告哀於吐蕃以庫部員外熊執易為副兵部郎  
中兼中丞元季方告哀于新羅且冊立新羅嗣  
王新羅傳曰俊邕死子重興立永貞元年詔元季方冊命後三年使者金力奇來謝主  
客員外郎兼殿中監馬于為副三月庚午朔出  
後宮三百人辛未以翰林待詔王伾為翰林學  
士壬申以故相撫州別駕姜公輔為吉州刺史

前戶部侍郎判度支汀州別駕蘇并爲忠州刺史追故相忠州刺史陸贄郴州別駕鄭餘慶前京兆尹杭州刺史韓臯前諫議大夫道州刺史陽城赴京師德宗自貞元十年已後不復有赦令左降雖有名德才望以微過忤旨譴逐者一去皆不復敘用至是人情大悅而陸贄陽城皆未聞於追詔而卒於遷所士君子惜之癸酉出後宮并教坊女妓六百人聽其親戚迎于九仙門百姓相聚謹呼大喜景戌詔曰檢校司空平章事杜佑可檢校司徒平章事充度支并鹽鐵

使以浙西觀察使李錡為浙西節度檢校刑部

尚書賜徐州軍額曰武寧制曰朕新委元臣綜

釐重務綜緝也音子宋切釐治也音力之爰求

貳職固在能臣起居舍人王叔文精識瓌材寡

徒少欲質直無隱沉深有謀其忠也盡致君之

大方其言也達為政之要道凡所詢訪皆合大

猷宜繼前勞佇光新命可度支鹽鐵副使依前

翰林學士本官賜如故初叔文既專內外之政

與其黨謀曰當度支則國賦在手唐志度支屬

租賦物產豐約之宜水陸道涂之利度歲計所

入而支調之以近及遠與中書門下議之乃奏



其後以諸行郎官判錢穀而戶部度支失其職矣通典云至德以後戎事費多劉晏以戶部侍郎勾當度支使實應二年韓滉以宰相加度支使自是雖無亦有它官判或云權判或云專判可以厚給諸用事人取兵士心以固其權又懼驟使重二字皆去聲讀職人心不服藉杜佑雅有會計之名位重而務自全易可制故先令佑主其名而除之為副以專之以戶部尚書判度支王紹為兵部尚書以吏部郎中李鄲為御史中丞武元衡為左庶子初叔文黨數人身元末已為御史在臺至元衡為中丞薄其人待之鹵莽上音魯下音切皆有所憾而叔文又以元衡在風憲欲使

附已使其黨誘以權利元衡不爲之動收文怒  
故有所授庾寅制門下侍郎守吏部尚書平章  
事賈耽可檢校司空兼左僕射守門下侍郎平  
章事鄭珣瑜可守吏部尚書守中書侍郎平章  
事高郢可守刑部尚書守尚書左丞平章事韋  
執誼可守中書侍郎並依前平章事通典曰凡  
行守其階高而官卑者稱行階卑而  
官高者稱守官階同者並無行守字癸巳詔曰  
萬國之邦屬在元良主器之重歸于長子楊  
繪  
六震爲長男代父之任故位於生物之地  
而主其功焉卅子宅於東宮蓋取諸此也所以  
基社稷而固邦統古之制也廣陵王某  
諱純順  
宗長子

也母曰莊靈皇太后王氏貞元  
四年六月己亥封廣陵郡王 孝友溫恭慈仁

忠恕博厚以容物寬明而愛人祇服訓詞言皆

合雅講求典學禮必從師居有令聞動無違德

朕獲續丕緒祇若大猷惟懷永圖用建諸貳以

承宗廟以奉粢盛爰舉舊章俾膺茂典宜冊為

皇太子改名某仍令所司擇日備禮冊命初廣

陵王名從水傍享壽至冊為皇太子始改從今

名國史補順宗風禁不言太子未立牛美人有異志上乃召學士鄭絪於小殿令草立儲宮

德音細擯管不請而書立嫡以長丁西吏部尚

四字隨而呈上順宗深然之乃定書平章事鄭珣瑜稱疾去位其日珣瑜方與諸

相會食於中書故事丞相方食百僚無敢謁見者叔文是日至中書欲與執誼計事令直省通執誼直省以舊事告叔文叱直省直省懼入白執誼執誼逡巡慙赦竟起迎叔文就其閣語良久宰相杜佑高郢珣瑜皆停筓以待有報者云叔文索飯宰相已與之一有同餐習中矣右郢等心知其一有可畏言其權勢可畏也懼叔文執誼莫敢出言珣瑜獨歎曰吾豈可復居此位顧左右取馬徑歸遂不起前是左僕射賈耽以疾歸第未起珣瑜又繼去二相皆天下重望相次歸卧叔

文執誼等益無所顧忌遠近大懼焉

新刊經

進詳註昌黎先生外集卷第七

新刊經進許謫昌黎先生外集卷第八

順宗實錄三

起四月  
盡五月

夏四月乙巳上御宣政殿冊皇太子冊曰建儲  
貳者必歸於冢嗣固邦本者允屬於元良咨爾  
元子廣陵王某幼挺岐嶷長標洵淑佩詩禮一作  
書之明訓宣忠孝之弘規居惟保和動必循道  
識達刑政器合溫文愛敬奉於君親仁德聞於  
士庶神祇龜筮罔不協從是用命爾為皇太子  
於戲維我烈祖之有天下也功格上帝祚流無

窮光續洪業逮予

一作于

十葉虔恭夙畏日慎一

日付爾以承祧之重勵爾以主鬯之勤

遠廟曰祧主鬯曰

見賀終宗即位表

以身萬國之心以揚三善之德

禮記文王

世子曰行一物而三善皆得者惟世子而已其齒於學之謂其一知父子之禮其二知君臣之

義其三知長幼之節故學之父子焉君臣焉兩長幼焉一人元良萬國以身世子之謂也

其尊師重傳親賢遠佞

漢元帝紀詔曰國之將興尊師而重傳

非

禮勿踐非義勿行對越天地之耿光丕承祖宗

之休烈可不慎歟時上即位已久而臣下未有

親奏對者內外盛言王伾王叔文專行決斷日

有異說又屬頻雨皆以為群小用事之應至將

冊禮之夕雨乃止迨行事之時天氣清朗有慶

雲見

慶雲五色祥雲

識者以爲天意所歸及觀皇太子

儀表班行旣退無不相賀至有感泣者戊申詔

曰惟先王光有天下必正我邦本以立人極建

儲貳以承宗祧所以啓迪大猷安固洪業斯前

代之令典也皇太子某體仁秉哲恭敬溫文德

協元良禮當上嗣朕奉若不訓憲章前式惟承

社稷之重載考春秋之義授之匕鬯以奉宗盛

爰以令辰俾膺茂典今冊禮云畢感慶交懷思

與萬方同其惠澤自身元二十一年二月二十



四日已後

二十四日德宗  
朔之明日也

至四月九日昧爽已

前天下應犯死罪者特降從流流已下遞減一

等文武常叅并州府縣官子爲父後者賜勲兩

轉古之所以教太子必茂選師傅以翼輔之法

於訓詞而行其典禮左右前後罔非正人是以

教諭而成德也

諭曉告也  
見賈誼傳

給事中陸質中書舍

人崔樞

唐傳云質本名淳避太子名改時執誼  
懼太子怒已專故以質侍東宮陰伺意

解積學懿文守經據古夙夜講習庶叶于中並

充皇太子侍讀天下孝子順孫先旌表門閭者

委所管州縣各加存恤庚戌封皇太子長子寧

等六人爲郡王癸酉贈吐蕃弟祭使工部侍郎

兼御史大夫史館修撰張薦禮部尚書薦字孝

舉代居州之陸澤祖文成唐傳云深州陸澤人祖鸞字文成博

學工文辭性好談諧七登文學科薦聰明強記

歷代史傳無不貫通爲太師顏真卿所稱賞遂

知名大曆中浙東觀察表薦之授左司禦率府

兵曹參軍兼史館修撰身元初爲太常博士四

年回紇求和親使送咸安公主入迴紇以薦爲

判官改授殿中侍御史回紇傳云成力可汗遣使者獻方物請和親德

宗用宰相李泌之計詔咸安公主下嫁以副聘王湛然爲昏禮使右僕射開播護送薦爲判官

累遷諫議大夫十一年冊回紇子薦以秘書少

監持節為使毗伽忠身可汗死無子國人立其相骨咄祿為可汗以使者來詔薦

持節冊拜為毗伽懷信可汗忠身可汗成功之子也還久之遷秘書監二

十年吐蕃贊普死吐蕃撫有群羗其俗謂強雄曰贊大夫晉以薦

為工部侍郎兼御史大夫持節弔贈卒於赤嶺

東迴紇辟吐蕃傳歸其柩警喻也前後三使異國

自始命至卒常兼史職在史館二十年著宰相

傳略五服圖記寓言居錄靈怪集等景寅罷

閩中萬安監先是福建觀察使使字無柳冕久不

遷欲立事跡以求恩寵乃奏云閩中南朝放牧

之地畜牛馬可使孳息

乳化曰孳音疾置切息蓄也

請置監

許之牧境中畜產令吏牧其中羊大者不過十  
斤馬之良者估不過數千不經時輒死又歛百  
姓苦之遠近以為笑至是觀察閻濟美奏罷之  
丁卯命樊容州所進毒藥所殺人者五月己巳  
以杭州刺史韓臯為尚書左丞辛未以右金吾  
大將軍范希朝為檢校右僕射兼右神策京西  
諸城鎮行營兵馬節度使叔文欲專兵柄藉希  
朝年老舊將故用為將帥使主其名而尋以其  
黨韓泰為行軍司馬專其事甲戌以度支郎中

韓泰守兵部郎中兼中丞充左右神策京西都

柵行營兵馬節度行軍司馬賜紫乙亥追改爲

檢校兵部郎中職如故凡言檢校皆是詔除而非正命甲申以

萬年令房啓爲容州刺史兼御史中丞初啓善

於叔文之黨相推致遂獲寵於叔文求進用叔

文以爲容管經略使使行約之荆南授之去脫

不得荆南即與湖南故啓宿留於江陵宿留音待也音

秀之方行至湖南又乞之而叔文與執誼爭

權數有異同故不果尋聞皇太子監國啓惶駭

奔馳而往武有墓之孫是日以郴州貞父司馬

鄭餘慶爲尚書左丞乙酉以尚書左丞韓臬爲  
鄂岳觀察武昌軍節度使初臬自以前輩舊人  
累更重任頗以簡倨自高嫉叔文之黨謂人曰  
吾不能事新貴人臬從弟曄幸於叔文以告叔  
文故出之辛卯以王叔文爲戶部侍郎職如故  
賜紫初叔文欲依前帶翰林學士官者俱文珍  
等惡其專權削去翰林之職叔文見制書大驚  
謂人曰叔文日時至此商量公事若不得此院  
職事即無因而至矣王伾曰諾即疏請不從再  
疏乃一作許三五日至一作翰林去學士名又

與歸登同日賜紫內出衫笏賜登而叔文不霑

文珍等所惡獨不得賜由是始懼以衢州別駕

令狐峘

胡官切唐史有傳

為秘書少監峘國子祭酒德

棻玄孫進士登第司徒楊綰未達時遇之以為

賢為禮部修史引峘入史館自華原尉拜拾遺

累遷起居舍人大曆八年劉晏為吏部尚書奏

峘為刑部員外判南曹

唐志吏兵二部主文武選凡選補流外官雜請

員外郎一人判南曹為尚書侍郎之貳

累遷至禮部侍郎峘之判

南曹晏為尚書楊炎為侍郎峘得晏之舉分關

必擇其善者與晏而以惡者與炎炎固已字不

平至峘為禮部而炎為相有杜封者故相鴻漸

之子求補弘文生

唐志門下省有弘文館生三十一人以皇親宰相之子為之

炎嘗出仕氏門下託峘以封峘謂使者曰相公

欲封成其名乞署封名下一字峘因得以記焉

炎不意峘賣之署名屬峘峘明日疏言宰相炎

迫臣以威臣從之則負陛下不從則炎當害臣

德宗以問炎炎具道所以德宗怒曰此姦人不

可柰欲杜而流之炎救解乃黜為衡州別駕

大曆十四年段元建中禮部侍郎令狐峘下二

十二人及第時執政間有怒薦託不從勢擬傾覆峘惶恐甚因進其私書上謂峘無良放榜日竄逐不得與生徒相面後十年門人田敦為明



州刺史

始陳謝恩之禮

貞元初李泌為相以左

庶子史館脩撰徵至則與同職孔述睿爭競細

碎數侵述睿

一本不重述睿字

長告以讓不欲爭

長請賜告

也泌卒竇叅為相惡其為人貶吉州別駕敗吉

州刺史齊映除江西觀察過吉州映自以前輦

懷怏怏不以刺史禮見入謁從容步進不首屬

戎器映以為恨去至府奏映舉前刺史過失鞠

不得真無政事不宜臨郡貶衢州別駕上即位

以秘書少監徵未至卒映在史館脩玄宗實錄

一百卷撰代宗實錄三十卷雖頗勤苦然多遺

漏不稱良史初德宗將厚奉元陵事岷時爲中  
書舍人兼史職奏疏諫請薄其葬有荅詔優獎  
元和三年以修實錄功追贈工部尚書是月以  
襄州爲襄陽府徙臨漢一本爲襄府於古城曰  
鄧城縣通典臨漢縣漢樊縣也西魏置河南郡  
有古樊城及苑水舊名安養天寶中改  
漢曰臨

新刊經  
進詳註昌黎先生外集卷第八

新刊經進詳註昌黎先生外集卷第九

順宗實錄第四

起六月  
盡七月

六月乙亥貶宣州巡官羊士諤爲汀州寧化縣尉士諤性傾躁時以公事至京遇叔文用事朋黨相煽頗不能平公言其非叔文聞之怒欲下詔斬之執誼云不可則令杖殺之執誼又以爲不可遂貶焉由是叔文始大惡執誼往來二人門下者皆懼先時劉闢以劔南節度副使將韋臯之意干叔文求都領劔南三川謂叔文曰太

尉使某致微誠於公若與其三川當以死相助  
若不用某亦當有以相酬收文怒亦將斬之而  
執誼固執不可闢尚以遊京師未去至聞士諤  
遂逃歸左散騎常侍致仕張萬福卒萬福魏州  
元城人也自曾祖至父皆明經官止縣令州佐  
萬福以祖父業儒皆不達不喜學善騎射一作不喜學  
書學年十七八從軍遼東有功為將而還累遷  
至壽州刺史州送租賦詣京師至潁州界為盜  
所奪萬福使輕兵馳入潁川界討之賊不意萬  
福至忙迫不得戰萬福悉聚而誅之盡得其所

亡物并得前後所掠人妻子財物牛馬萬計悉  
還其家爲淮南鄖度崔圓所忌失刺史改鴻臚  
卿以節度副使將兵千人鎮壽州萬福不以爲  
恨許杲以平盧行軍司馬將卒三千人駐濠州  
不去有窺淮南意圓令萬福攝濠州刺史杲聞  
即提卒去止當塗當塗縣名屬高州後漢志有塗山即禹會諸侯之所陳  
莊賊陷舒州圓又以萬福爲舒州刺史督淮南  
岸盜賊連破其黨天曆三年召赴京師代宗謂  
曰聞卿名久欲一識卿且將累卿以許杲萬福  
拜謝因前曰陛下以許杲召臣如何北賊諸將

叛以屬何人代宗笑曰且欲議許是事方當大

用卿即以爲和州刺史行營防禦使督淮南岸

盜賊至州杲懼移軍上元東至楚州大掠節度

使韋元甫命萬福討之未至淮陰楚州爲杲爲

其將康自勸一作勤所逐自勸權兵繼掠循淮而

東萬福倍道追而殺之免者十二三盡得其所

虜掠金銀婦女等皆獲致其家代宗詔以本州

兵千五百人防秋京西代宗時河湟六鎮皆陷

戍京西北虜畏熱入寇遂帶和州刺史鎮咸陽

因留宿衛李正己反淄青節度李將斷江淮路

令兵守埭橋渦口

埭橋地名渦口渦水魏黃初中文

帝自譙循渦入淮即此也埭音

江淮進奉舡千

餘隻泊渦口不敢進

唐食貨志凡代易進奉取

者常州刺史裴肅密請炭案經為進奉得遷浙東觀察使刺史進奉自肅始也劉蕡卒于宣州其判官嚴綬領軍府為進奉召為刑部員外郎判官進奉自綬始也憲宗立罷之

以萬福為濠州刺史萬福馳至渦口立馬岸上

發進奉舡湍青將士停岸睥睨不敢動諸道繼

進改泗州刺史為杜亞所忌徵拜左金吾衛將

軍召見德宗驚曰杜亞言卿昏耄卿乃如是健

耶圖形凌煙閣數賜酒饌衣服并勅度支籍口



畜給其費至賀陽城等於延英門外天下益重  
其名二十一年以左散騎常侍致仕元和元年  
卒年九十萬福自始從軍至卒祿食七十年未  
嘗病一日典九郡皆有惠愛癸丑韋臯上表請  
皇太子監國又上皇太子牋尋而裴垍嚴綬表  
繼至悉與臯同贈故忠州別駕陸贄兵部尚書  
故道州刺史陽城左常侍贄字敬輿吳郡人也  
唐史有傳漂陽令侃之子年十八進士及第又以博學宏辭  
授鄭縣尉書判拔萃授渭南尉遷監察御史未  
幾選爲翰林學士遷祠部員外郎贄以書判拔

萃調渭南主簿御史府以監察決之德宗幸  
宗春宮時知名召對翰林即日為學士德宗幸

奉天贄隨行在天下搔擾遠近徵發詔書一日

數十下皆出於贄贄操筆持紙成於頃臾不復

起草同職皆拱手嗟嘆不能有所助常啓德宗

言方今書詔宜痛自引過罪已以感人心昔成

湯以罪已致興後代推以為聖人左傳莊十一年

禹湯罪已其興也勃然商書湯誥曰万方有罪在予一人楚王

失國亡走一言善而復其國左傳定四年吳伐楚昭王奔走五年

冬秦師納之初昭王疾卜曰河為祟王弗祭大夫請祭諸郊王曰三代命祀祭不越望江漢雅

漳楚之望也禍福之至不是過也不穀雖不德河非所獲罪也遂弗祭孔子曰楚昭王知大道

矣其不矣國也宜哉至今稱為賢者陛下誠能不恠改過

以言謝天下臣雖愚陋為詔辭無所忌諱庶能

令天下叛逆者回心喻旨德宗從之故行在制

詔始下聞者雖武夫悍卒無不揮涕感激其奉天政

元大赦文曰致理興化少在惟誠忘已濟人不

草莽不念率德誠莫追於既往永言思各期有

復於將來明徵厥初以示天下惟我烈祖邁德

定人致倭化於平和極生靈於塗炭重熙積慶

垂二百年伊爾卿士庶官泊億兆之衆代受享

毒以迄于今功存于人澤及於後肆予小子獲

續鴻業懼德不嗣罔敢忘荒然以長於深宮之

中膺於經國之務積習易溺居安忘危不知稼

穡之艱難不察征伐之勞苦澤靡下究情不土

通事既推隔入清疑四借殊省已遂使典戈微

師四方轉運千里賦車籍馬遠近騷然行齋居

送衆庶無勞止或一日屢交鋒刃或連年不解甲  
胃欲草乏主室家靡依死生流離怨氣凝結力  
役不息田萊多荒暴命峻於誅求疲血空於村  
抽轉至溝塋離去鄉閭里邑丘壠人煙斷絕天  
譴於上而朕不寤人怨於下而朕不知馴致亂  
階變興都邑賊臣乘釁肆逆滔天曾莫愧畏敢  
行凌逼萬品失序九廟震驚上畏於祖宗下負  
於黎庶痛心覩兒罪實在余永言懼悼若墜淵  
谷顧夫天地降祐人神協謀將弘永圖必希新命朕  
力屏除大盜載張皇維將弘永圖必希新命朕  
晨興夕惕惟念前非乃若公卿百僚累抗章疏  
衆以激予加于朕躬固辭不獲俯遂輿論敢因  
循省良用矍然體陰陽不測之謂神與天地合  
德之謂聖顧惟淺昧非所宜當文者所以化成  
武者所以定亂今化之不被亂是用與豈可更  
拘群情苟膺匪美重予不德祗益懷慙自今已  
後中外所上書奏不得更稱文武神聖之号夫  
人情不常際於時化大道既隱亂獄滋豐朕既  
不能弘德道人又不能益法齊衆苟設密網以  
罹非辜爲之父母實增媿悼今上元統曆卅歲

發生宜華紀年之号式數在宥之澤與人更始  
以谷天休可赦天下敗建中五年為興元二年

剋平寇難旋復天位不惟神武成功瓜牙宣力

蓋以文德廣被腹心有助焉累遷考功郎中諫

議大夫中書舍人兼翰林學士丁母憂免喪權

知兵部侍郎序又云公既職內署母韋氏尚在

驛人士榮之丁韋夫人憂去職持喪於洛遣人

護漂陽之柩附於河南上道中使監護其事四

方賻遺數百萬公一無所取服闋復內職權知

兵部侍郎魏見之日天子為之興啟容叙弔優

禮如復入翰林中外屬意旦夕俟其為相竇叅

深忌之贊亦短叅之所為且言其黷貨於是與

叅不能平尋真拜兵部侍郎知禮部貢舉於進

士中得人為多八年春遷中書侍郎平章事

德宗在東宮吳通玄與弟通微以父故得侍游

及即位並召為翰林學士與費並位費文高有

謀特為帝器遇且更險難有功而通玄兄弟持

以東宮恩進昭而不禮見費驥擢頗媚恨費自

恃功正短通玄於帝前欲斥遠之通玄大怨望

費與參交惡也時參從子申之從舅嗣虢王則

之方為金吾將軍故申介之使結通玄兄弟共

危費則之飛謗云費試進士受賄謝帝惡誣構

大怒即罷參宰相逐則之昭州司馬通玄泉州

則死長城驛而費遂相矣參字時中實誕四世

孫也以貞元五年二月為相至八年四月乙未

乃罷為郴州別駕是日尚書左丞趙憬兵部侍

郎費並為中書侍郎同中書門下平章事參後以

交結武臣帝欲殺之費雖怨參亦以謂殺之太

重乃貶驩州司馬

竟賜死于邕州

始令吏部每年集選人舊事

吏部每年集人其後遂三年一

置字選選人猥

至文書多不了尋勘真偽紛雜吏因得大為姦

巧選士一蹉跌或至十年不得官而官之闕者

或累歲無人贄令吏部分内外官一有為三分

計闕集人以為常其弊十去七八天下稱之初

竇叅出李巽為常州刺史且迫其行巽常銜之

至叅貶為郴州別駕巽適遷湖南觀察郴州屬湖南道

德宗一有常字與叅言故相姜公輔罪叅漏其語叅

貶公輔因上疏自陳其事非臣之過德宗詰之

知叅洩其語怒未有一一有發唐史公輔愛州日

年自宰相罷為左庶子贊之為相公輔數求官

贊密謂曰竇丞相叅嘗言為公擬官舊矣上轉

不悅公輔懼請為道士它日又言之帝問故公輔隱贊言以衆語對帝怒出公輔泉州別駕遣

使賣詔至郴州責參會巽奏汴州節度劉士寧遺衆金帛

若干士寧得汴州衆處其議士寧嘗德之故致

厚貺德宗以衆得罪而以武將交結發怒竟致

衆於死而議者多言衆死由贊焉按柳理作上清傳其事頗

怪以謂衆自郴州再流于驩沒入家貲一簪不遺未達流所有詔自盡皆是陸贄陷害其後德

宗因上清言始悟殺衆之誤乃下詔雪衆而贄竟以譴斥今實錄亦云議者多言衆死由贊其

本此裴延齡判度支天下皆嫉怨而獨幸於天

子朝廷無敢言其短者贄獨身當之日陳其不

可用延齡固欲去贄而代之又知贄之不與已



多阻其奏請也謗毀百端翰林學士吳通玄故

與贄同職茲巧佞薄

他輕也音

與贄不相能知

贄與延齡相持有間

間隙也

因盛言贄短

按史吳通玄當

贄未相時已賜死泉州今實錄於此乃謂盛言贄短與翰苑集序同抑史氏之誤耶

宰

相趙憬本贄所引同對嫉贄之權密以贄所戢

彈延齡事告延齡延齡益得以爲計由是天子

益信延齡而不直贄竟罷贄相以爲太子賓客

貞元十年十一月壬戌也而黜張滂李充等權言事者皆

無

者言其屈贄固畏懼至爲賓客拒門不納交親

士友春旱德宗數獵苑中延齡疏言贄等失權

怨望言於衆曰天下旱百姓且流亡度支愛惜不肯給諸軍軍中人無所食其事柰何以搖動群心其意非止欲中傷臣而已後數日又獵苑中會神策軍人跪馬前云度支不給馬草德宗意延齡前言即迴馬而歸由是貶贄爲忠州別駕滂充皆斥逐德宗怒未解贄不可測賴陽城等救乃止贄之爲相常以少年入翰林得幸於天子長養成就之不敢自愛事之不可者皆爭之德宗在位久益自攬持機柄親治細事失君人大體宰相益不得行其事職而議者乃云由

贊而然

司馬溫公曰按凡為宰相者皆欲專權

而議者

歸咎於贊豈人情也又贊論朝官闕員

狀云頃之

輔臣解克勝任過蒙容養苟備職負

致勞

養恩巨細經憲此乃諫德

宗不任宰相親

細事之詞也贊居忠州十餘

年常閉門

不出入人無識面者避謗不著書習

醫方集古今名方為陸氏集驗方五十卷卒於

忠州年五十二上初即位與鄭餘慶陽城同徵

詔始下而城

贊皆卒城字亢宗北平人

為官族好學貧不能得書乃求入集賢為書寫

吏竊官書讀之晝夜不出經六年遂無所不通

乃去滄州中條山下遠近慕其德行來學者相

唐史代

繼於道閭里有爭者不詣官府詣城以浞之李  
泌爲相舉爲諫議大夫拜官不辭未至京師人  
皆想望風采云城山人能自苦刻不樂名利必  
諫諍死職下咸畏憚之旣至諸諫官紛紛言事  
細碎無不聞達天下益厭苦之而城方與其二  
弟牟容連夜痛飲人莫能窺其意有懷刺譏之  
者將造城而問者城揣知其意彊與坐輒一無上四  
字彊與酒客或時先醉仆席上或時先醉卧客  
懷中不能聽客語約其二弟去吾所得月俸汝  
可度吾家有幾口月食米當幾何買新菜鹽米

凡用幾錢先具之其餘悉以送酒媪無留也未嘗有所貯積雖其所服用切急不可闕者客稱其物可愛城輒喜舉而授之陳萇者候其始請月俸常往稱其錢帛之美月有獲焉至裴延齡讒毀陸贄等坐貶黜德宗怒不解在朝無救者城聞而起曰吾諫官也不可令天子殺無罪之人而信用姦臣即率拾遺王仲舒數人守延英門上疏論延齡姦佞贄等無罪狀德宗大怒召宰相入語將加城等罪良久乃解令宰相諭遣之於是金吾將軍張萬福聞諫官伏閣諫趨往

至延英門大言賀曰朝廷有直臣天下必太平  
矣遂徧拜城與仲舒等曰諸諫議能如此言事  
天下安得不太平已而連呼太平萬歲萬福武  
人時年八十餘自此名重天下時朝夕相延齡  
城曰脫以延齡爲相當取白麻壞之慟哭於庭  
竟坐延齡事改國子司業至引諸生告之曰凡  
學者所以學爲忠與孝也諸生寧有久不省其  
親者乎明日謁城歸養者二十餘人有薛約者  
嘗學於城狂躁以言事得罪將徙連州客寄有  
根蒂

言約隱城家如蘿  
葛之寄於松栢也

吏縱末得城家坐吏於

門與約飲決別涕泣送之郊外德宗聞之以城  
爲黨罪人出爲道州刺史太學主簿卿李儻等  
二百七十人詣闕乞留住數日吏遮止之疏不  
得上在州以家人禮待吏人宜罰者罰之宜賞  
者賞之一不以簿書介意統賦不登觀察使數  
謂讓上考功第城自署第曰撫字心勞徵科政  
拙考下下觀察使嘗使判官督其賦至州怪城  
不出迎以問州吏吏曰刺史聞判官來以爲已  
有罪自囚於獄不敢出判官大驚馳入謁城於  
獄曰使君何罪某奉命來候安否耳留一兩日

未去城固不復歸館門外有故門扇橫地城晝  
夜坐卧其上判官不自安辭去其後又遣他判  
官崔某往校之崔承命不辭載妻子一行中道  
而逃城孝友不忍與其弟異處皆不娶給待終  
身有寡妹依城以居有甥年四十餘癡不能如  
人常與弟負之以遊初城之妹夫亡在他處家  
貧不能葬城親與其弟舁尸以歸葬於其居之  
側往返千餘里卒時年六十餘戊午以戶部侍  
郎潘孟陽爲度支鹽鐵轉運副使其日王伾詠  
稱疾自免自叔文歸第伾日詣中人并杜佑諱



中人之用事者請起叔文爲相且摠北軍既不  
及宰相社佐也  
得請以威遠軍使平章事文不得其黨皆憂悸  
不自保伾至其日坐翰林中疏三上不報知事  
不濟行且卧至夜忽叫曰伾中風矣明日遂輿  
歸不出戊子以禮部侍郎權德輿爲戶部侍郎  
以倉部郎中判度支陳諫爲河中少尹伾叔文  
之黨於是始去乙未詔軍國政事宜權令皇太  
子某句當百辟群后中外庶僚悉心輔翼以底  
于理宣布朕意咸使知聞上自初即位則疾患  
不能言至四月益甚時扶坐殿群臣望拜而已

未嘗有進見者天下事皆專斷於叔文而李忠  
言王伾爲之內主執誼行之於外朋黨誼譁榮  
辱進退生於造次惟其所欲不拘程度旣知內  
外厭毒慮見摧敗即謀兵權欲以自固而人情  
益疑懼不測其所爲朝夕伺候會其與執誼交  
惡心腹內離外有韋臯裴垍嚴綬等牋表而中  
官劉光奇俱文珍薛盈珍尚解玉等皆先朝任  
使舊人同心怨猜屢以啓上上固已厭倦萬機  
惡叔文等至是遂召翰林學士鄭絪衛次公王  
涯等入至德殿撰制詔而發命焉又下制以大

常卿杜黃裳爲門下侍郎左金吾衛大將軍素  
滋爲中書侍郎並平章事文下制吏部尚書平  
章事鄭珣瑜刑部尚書平章事高郢並守本官  
罷相皇太子見百寮於東朝百寮拜賀皇太子  
涕泣不荅拜景申詔宰臣告天地社稷皇太子  
見四方使於麟德殿西亭

新刊經進詳註昌黎先生外集卷第九

新刊經進詳註昌黎先生外集卷第十

順宗實錄第五

起八月盡  
至山陵

八月庚子詔曰惟皇天佑命烈祖誕受方國九  
聖儲祉萬邦咸休肆予一人獲纘丕業嚴恭守  
位不遑暇給而天祐匪降疾恙弗瘳將何以奉  
宗廟之靈展郊禋之禮疇咨庶尹對越上玄內  
愧于朕心上畏于天命夙夜祗慄惟懷永圖一  
日萬幾不可以久曠天工人代不可以久違皇  
太子某睿哲溫文寬和慈惠孝友之德仁愛之

誠通于神明格于上下是用推皇王至公之道  
遵父子傳歸之制付之重器以撫兆人必能宣  
祖宗之重光荷天地之休命奉若成憲永綏四  
方宜令皇太子即皇帝位朕稱太上皇事見永  
身行  
居興慶宮制勅稱詔所司擇日行冊禮永身元  
年八月辛丑太上皇居興慶宮詔曰有天下者  
傳歸于子前王之制也欽若大典斯爲至公式  
揚耿光用體文德朕獲奉宗廟臨御萬方降疾  
不瘳庶政多闕乃命元子代予守邦爰以令辰  
光膺冊禮宜以今月九日冊皇帝於宣政殿仍

命檢校司徒杜佑充冊使門下侍郎杜黃裳充  
副使國有大命恩俾惟新宜因紀元之慶用覃  
在宥之澤宜改貞元二十一年為永貞元年自  
貞元二十一年八月五日昧爽已前天下應犯  
死罪特降從流流已下遞減一等又下詔曰人  
倫之本王化之先爰舉令圖凡資內輔式表右  
妃之德俾形邦國之風白虎通曰天子之妃謂  
之右者何也明海內  
之小君也周南關  
雎詩曰關雎后妃  
之始也所以風天  
下而正夫婦也故  
用之德也風  
焉邦國焉之茲禮經之大典也良娣王氏良娣良媛  
皆太子次  
妃號也王氏憲宗之母  
之婦也見用墓誌銘

雅修彤管之規五經要義曰古者后夫人必有

御于呂所女史書其笑惡事無大小記以成法

故衛風靜女詩曰靜女其變貽我彤管有

煒悅釋文美彤克佩姆師之訓香禮姆在右注

無子不嫁能以婦道教人者也自服蘋藻祗

三十年左傳云姆文師音莫後及

奉宗祧令範益張母儀斯者宜正長秋之位漢書

長秋皇后官本秦官將行也景帝以明繼體之

更名大長秋或用中人或用士人以明繼體之

尊良媛董氏備位後庭素稱淑慎進外號位禮

亦宜之良娣可冊為太上皇后漢興因秦之稱

太后帝母稱皇太后正良媛宜冊為太上皇德

嫡稱皇右妾皆稱夫人良媛宜冊為太上皇德

妃唐因隋制有貴妃淑妃德妃賢妃為夫人正

一品順宗即位病已繇頃未嘗立皇太后步二

人自藩部而進於太<sub>上</sub>仍令所司備禮擇日冊命宣<sub>中</sub>外咸使聞知壬寅制王伋開州司馬王叔文渝州司戶並負外置馳驛發遣叔文越州人以基入東宮頗自言讀書知理道乘間常言人間疾苦上將大論宮市事叔文說中上意遂有寵因爲上言基可爲將基可爲相幸異日用之密結羣執誼并有當時名欲僥倖而速進者陸質呂溫李景儉韓曄韓泰陳諫劉禹錫柳宗元等十數人定爲死交而凌準程异等又因其黨而進交遊蹤跡跪<sub>祕</sub>莫有知其端者身元十九年補闕



張正買疏諫他事得召見正買與王仲舒劉伯  
芻裴蔭常仲孺呂洞相善數遊止正買得召見  
諸往來者皆往賀之有與之不善者告叔文執  
誼去正買疏似論君朋黨事宜少誠執誼叔文  
信之執誼嘗爲翰林學士父死罷官此時雖爲  
散郎以恩時時召入問外事執誼因言成季等  
朋讌聚遊無度皆譴斥之人莫知其由叔文旣  
得志與王伾李忠言等專斷外事遂首用韋執  
誼爲相其常所交結相次拔擢一日除數人日  
夜群聚伾以侍書辛寢陋吳語上所藝狎

伾吳人也

與上同寢夜漏里語以相戲狎也而叔文頗任事自許微知文

義好言事上以故稍敬之不得如伾出入無阻

叔文入至翰林而伾入至柿林院見李忠言牛

昭容等

皆官

故各有所主伾主往來傳授劉禹

錫陳諫韓曄韓泰柳宗元房啓凌準等主謀議

唱和採聽外事上疾久不瘳內外皆欲上早定

太子位叔文默不發議已立太子天下喜而叔

文獨有憂色常吟杜甫題諸葛亮廟詩末句云

出師未捷身先死長使英雄淚滿襟亦歎歎流

涕聞者咸竊笑之

其詩曰丞相祠

外祠在

成都

更尋錦

春色滿荼黃鵬空好音一頭天下計兩朝  
開濟老臣心上師未捷身先死使夫雄決蒲  
襟蜀相諸葛亮字孔明事先主劉備又禪禪十  
三年春悉大衆由斜谷出以流馬運運武功五  
丈原欲進兵定中原若晏矣時與魏將司馬宣  
王對於渭南相持百餘日其年八月亮卒于軍  
軍退宣王按行其營曰天下雖判兩使事未嘗  
奇才此詩閱其志之不遂也  
以簿書為意日引其黨屏人切切細語謀奪官  
者兵以制四海之命既令范希朝韓泰總統京  
西諸城鎮行營兵馬中人尚未悟會邊上諸將  
各以狀辭中尉唐志中尉掌左右神策衛兵及  
內外八鎮兵身元以來多以宣  
之主且言屬希朝中人始悟兵柄為敕文所  
奪乃大怒曰從其謀吾屬必死其手密令其使

歸告諸將曰無以兵屬人希朝至奉天諸將無  
至者韓泰白叔文計無所出唯曰奈何奈何無  
幾而母死執誼益不用其語叔文怒與其黨日  
夜謀起復起復必先斬執誼而盡誅不附已者  
聞者皆恟懼皇太子旣監國遂逐之明年乃殺  
之伾杭州人病死遷所其黨皆斥逐叔文最所  
賢重者李景儉而最所謂竒才者呂溫叔文用  
事時景儉持母喪在東都而呂溫使吐蕃半歲  
至叔文敗方歸故二人皆不得用叔文敗後數  
月乃貶執誼爲崖州司馬後二年病死海上執

誼杜黃裳子壻與黃裳同在相位故最在後貶

唐史有傳

執誼進士對策高等驟遷拾遺年二十餘

入翰林巧惠便辟媚幸於德宗而性貪婪詭賊其從祖兄夏卿爲吏部侍郎執誼爲翰林學士受財爲人求科第夏卿不應乃探出懷中金以內夏卿袖夏卿驚曰吾與卿賴先人德致名位幸各以達豈可如此自毀壞擺袖引身而去執誼大慙恨旣而爲收丈所引用初不敢負收丈迫公議時時有異同輒令人謝收丈云非敢負約爲異同蓋欲曲成兄弟爾收丈不之信遂成

仇怨然叔文敗執誼亦自失形勢知禍且至雖  
尚爲相常不自得長奄奄無氣聞人行聲輒惶  
悸失色以至敗死時纔四十餘執誼自卑嘗諱  
不言嶺南州縣名爲郎官時嘗與同舍郎誼職  
方觀圖職方屬兵部掌地圖每至嶺南圖執誼皆命去之  
閉目不視至拜相還所坐堂北壁有圖不就省  
七八日試就觀之乃崖州圖也以爲不祥甚惡  
之憚不能出口至貶果得崖州焉永貞二年正  
月景戌朔太上皇於興慶宮受朝賀皇帝率百  
僚表上尊號曰應乾聖壽太上皇冊文曰維永

貞二年歲次景戌正月景戌朔皇帝臣某稽首  
再拜奉冊言臣聞上聖玄邈獨超

夷彊名

之極猶存乎罔象豈足以表無爲之仁而不宰  
之功然稱謂所施簡冊攸著涵泳道德感於精  
誠仰奉洪徽有以自竭伏惟太上皇帝陛下道  
繼玄元業續皇極膺千載之休曆承九聖之耿  
光昭宣化源發揚大號政有敦本示儉慶裕格  
天恩翔春風仁育群品而功成不處褰裳去之  
付神器於冲人想汾陽以高蹈

莊子曰堯見四  
子蒹姑射之山

汾水之陽  
體堯之德與神同符其動也天其然喪其天下

靜也地巍巍事表無得而言顧茲寡昧屬膺大  
寶懼忝傳歸之業莫申繼述之志夙夜兢畏惟  
懷永圖今天下幸安皆睿訓所被而未極徽號  
孰報言親是以台臣庶官文武之列抗疏於內  
方伯藩守億兆之衆同詞於外請因壽曆以播  
鴻名臣不勝大願謹上尊號曰應乾聖壽太上  
皇當三朝獻壽之辰三朝者謂  
朝日之朝應五紀啓元之  
始周書洪範曰五紀  
始公羊傳曰元年者  
何君之始年也光膺徽  
稱允協神休斯天下  
慶也元和元年正月甲  
申太上皇崩于興  
平殿年四十六遺詔



曰朕聞死生者物

性也

常分古

先哲王明於至道

具終以

順其變

以節哀故存者不

生逝者不至於甚痛

謂之達理以貫通

朕自弱齡即敦清靜遠平

近歲又嬰沈痼嘗亦親政益倦于勤以皇帝天

資仁孝日躋聖敬爰釋重負委之康濟而能內

睦千九族外勤於萬機問寢益嚴侍膳無曠推

此至德以安庶邦朕之知子無愧天下今厥疾

大漸不寤不興付託得人顧復何恨四海兆庶

亦奚所哀但聖人大孝在乎善繼樞務之重軍

國之殷續而承之不可暫闕以日易月抑惟舊  
章皇帝宜三日而聽政十三日小祥二十五日  
大祥二十七日釋服方鎮岳牧不用離任赴哀  
天下吏人誥至後出臨三日皆釋服無禁婚嫁  
祠祀飲酒食肉宮中當臨者朝晡各十五舉音  
非朝晡臨時禁無得哭釋服之後勿禁樂他不  
在誥中者皆以類從事伏以崇陵仙寢復土纔  
終旬邑疲人休功未幾今又重勞營奉朕所哀  
矜況漢魏二文皆著遺令永言景行常志夙心  
其山陵制度務從儉約並不用以金噐

練爲

飾百辟卿士同力盡忠克申送往之哀上展事  
君之禮布告天下明知朕懷七月壬申葬豐陵  
謚曰至德大聖大安孝皇帝廟曰順宗

新刊經 進詳註昌黎先生外集卷第十